



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Episcopo, Et Sancti Petri & de Secureto Abbatibus Aniciensibus.

**urn:nbn:de:hbz:466:1-20020**

258 Epistolarum Innocentij III.

E I S D E M .

<sup>Epif. 117.</sup>  
De eadem re.

**N**e pastoralis provisio diu defit Ecclesiae Morinenſi, per apostolica vobis scripta mandamus quatenus si aduersarij dilecti filii Morinenſis electi nequierint infra spatium triginta dierum intra provinciam vel in vicinis partibus inveniri, vos citationis editio ad eorum domicilium manifeste transmiffo, nihilominus procedatis secundum formam quam in aliis litteris vobis duximus exprimendam, cum jam in ipso negotio usque ad publicationem teflum sit processum. Datum Laterani 111. Kal. Februarij, pontificatus nostri anno undecimo.

*EPISCOPO, ET SANCTI PETRI  
& de Secureto Abbatibus Aniciensibus.*

<sup>Epif. 118.</sup>  
Eis committitur causa Canonicoſ. Bri-  
vatiſum.

**L**icet ex injuncto nobis apostolatus officio omnibus paterna sollicitudine teneamur adesse, illis tamen debemus specialiter apostolicum praefidum impertiri qui apostolicam sedem nullo respiciunt mediante. Cum igitur dilecti filii Canonicī Brivatiſum Ecclesiæ, que ad nos nullo medio noscitur pertinere, frequenter & à multis injurias, damna sustineant & rapinas, cum dioceſanum non habeant ad quem possint recurrere quotiens indebitè aggravantur, nos ad supplicationem eorum ipsis duximus providendum. Quocirca discretioni vestrae per apostolica scripta mandamus quatenus quotiens ab eisdem fueritis requisiti, de malefactoribus suis in Claromontensi, Aniciensi, & Mimatenſi dioceſib⁹ constitutis faciatis eis auctoritate nostra sublato cujuslibet contradictionis & appellacionis obstaculo justitiae plenitudinem exhiberi, eodem ad id monitione præmissa per censuram ecclæſticas appellacione postposita compellendo. Quod si non omnes &c. tu, frater Episcope, cum eorum altero &c. Datum Laterani v. Kalend. Februarij, ut supra.

*ILLVSTRI REGI FRANCIE.*

<sup>Epif. 119.</sup>  
Inducitur ad  
expugnatione  
hereticorum  
Provincialiſi.

**R**eligiosa fides & fidelis religio, quæ in te à progenie in progeniem derivata Christianissimis tuis patribus Christianissimum Principem te substituit, nos inducit ut negocium Ecclesiæ Dei, cùm expedit, providentia tua confidentissime committamus. Cum ergo sit providè cogitatum ut iis qui orthodoxæ fidei zelo succensi ad expugnandum Provinciales hereticos se accingunt unus in Capita-

neum deputetur sub cuius unius confilio unanimiter universi procedant, serenitatem regiam rogamus attentiū & monemus, in remissionem tibi peccaminum injungentes, quatenus eis vel eorum aliquibus, prout expedit, convocatis, aliquem virum strenuum, providum, ac fidelem eis auctoritate regia præficere non postponas qui prælium Domini præliantes sub divino praesidio tuoque vexillo conducat, hanc pī operis providentiam ita prudenter & hilariter impleturus quod dum omnes ad agonem sanctæ pugnae succinxeris, in omnium quasi manus ipse quoque bellari bellum Domini comproberis, ac retributionis eorum efficias te participem quorum certaminis te taliter exhibueris adjutorem; ante omnia & in omnibus sollicitè prouidendo ut in tanto Dei servitio illam servent & unitatis concordiam & concordia unitatem quod per astutiam satanæ, qui operibus pacis invidet, nulla discordia inter ipsos, nulla possit æmulatio suboriri, ita strenue, ita caute in hoc negotium cum tuo subsidio & consilio processurus quod illud possint feliciter & salubriter consummare; ne, si seculis accideret, quod divinitus avertatur, in quo proficere poterat Ecclesiæ causa deficeret, & haeretica pestis unde potuerat aboleri deterius inoleret. Datum Laterani 111. Non. Februarij, pontificatus nostri anno undecimo.

*V N I V E R S I S F I D E L I B U S  
in obsequium Christi contra Provinciales  
haereticos certaturis.*

**B**enedicti vos in Domino qui fecit celum & terram; quoniam cùm committeret draco bellum & Ecclesiam sanctam Dei machinarum suarum molimine conquassaret, apprehendistiſ armis & scutum, & in ejus adjutorium surrexistiſ. Quia igitur omnis qui in agone contendit abstinet ſe ab omnibus ut unum certaminis ſui curſum eō melius quod liberiū valeat consummare, universitatē vestram rogamus attentiū & monemus, per apostolica scripta in remissionem vobis peccaminum injungentes, quatinus tam arduum & tam sanctum Dei obsequium aggressuri, postpositis omnibus quæ hunc velutrum sanctum agonen impedire valerent, ante omnia & in omnibus caveatis ut illam servetis & unitatis concordiam &c. *sicut supra usque in finem.* Eia igitur, potentissimi Christi milites, eia strenuissimi militiæ Christianæ tyrones. Opponite

<sup>Epif. 120.</sup>  
De eadem re  
genuit.